


Ráiteas Cóipchirt agus Séanta

Is leis an Stiúrthóir um Fhorfheidhmiú Corparáideach cóipcheart ábhar an doiciméid seo. Féadfar iomlán nó páirt den doiciméad seo a atáirgeadh gan bhreis cheada, ar choinníoll go n-admhaítear an fhoinse.

Níor chóir go dtuigfí aon ní dá bhfuil anseo mar fhaisnéis de nó ar son an Stiúrthóra um Fhorfheidhmiú Corparáideach maidir lena thuiscint nó lena léiriú ar aon cheann d'fhorálacha Achtanna na gCuideachtaí 1963 go 2006 nó maidir le léiriú ar dhlí ar bith. Ba chóir dul sa tóir ar chomhairle dlí neamhspleách maidir le héifeachtaí aon fhorála dlí. Ní ghlacann an Stiúrthóir um Fhorfheidhmiú Corparáideach le haon fhreagracht nó le haon dliteanas is cuma cén chaoi a n-éiríonn siad as ábhar an fhoilseacháin seo nó as aon bhotún, mhíchruinneas nó easnamh in ábhar an doiciméid seo. Forchoimeádan an Stiúrthóir an ceart caingeán chúirte a thionscnamh a d'fhéadfadh a bheith nó gan a bheith de réir fhorálacha an doiciméid seo.

© Stiúrthóir um Fhorfheidhmiú Corparáideach 2008

Focal Factory a d'aistrigh an Tuarascáil Bhliantúil seo go Gaeilge.



Office of the Director
of Corporate Enforcement

*Oifig an Stiúrthóra um
Fhorfheidhmiú Corparáideach*

Brollach



De bhun alt 16(1) den Acht um Fhorfheidhmiú Dlí Cuideachtaí 2001, is cúis áthais dom Tuarascáil Bhliantúil na hOifige don bhliain 2007 a thíolacadh do Mhícheál Martin T.D., an tAire Fiontair, Trádála agus Fostaíochta.

Seo a leanas bhuaicphointí na bliana 2007 don OSFC rangaithe de réir gníomhaíocht phríomha:

Géilliúntas

- foireann na hOifige a bheith rannpháirteach ag níos mó ná 50 comhdháil, seimineár agus taispeántas ag cur géilliúntas i leith cheanglais dhlí na gcuideachtaí chun cinn;
- sraith fógraí náisiúnta a chraoladh ar an raidió den chéad uair ag tabhairt suntais do shaincheisteanna coitianta maidir le dlí na gcuideachtaí a thagann chun cinn i saol oibre stiúrthóirí cuideachta agus scairshealbhóirí;

Brath

- méadú suntasach (146%) i líon na ngearán a fuarthas maidir le rialú cuideachtaí bainistiú maoín sealbhais. Foilsíodh an Oifig Leabhrán Rialachais do na cuideachtaí sin i 2008 chun cúnaimh a thabhairt dóibh dul i ngleic leis na heasnamh a bhíonn ag cur as dóibh sa réimse;

Forfheidhmiú

- ciontú 28 gcuideachta, stiúrthóir agus daoine eile mar gheall ar shárúithe ceanglas dhlí na gcuideachtaí;
- dícháiliú 14 duine i ndiaidh imeachtaí OSFC san Ard-Chúirt;

Dócmhainneacht

- aghaidh á tabhairt ar bhonn leanúnach ar ghníomhaíochtaí den chineál athbheochana agus ar ghníomhaíochtaí eile cuideachtaí neamhleachtaithe dócmhainneacha. Bhain deich gcinn de na dícháilithe

thuasluaite leis an réimse sin, agus dícháilíodh stiúrthóir amháin ar feadh 12 bhliain, an tréimhse is faide a gearradh riamh in aon imeacht OSFC;

- srianadh ar 144 stiúrthóirí cuideachtaí dócmhainneachta. A bhformhór sin chuir an Ard-Chúirt faoi ordú srianta iad ar iarratas ó leachtaitheoirí de bhun na gceanglas a bhí orthu de réir dhlí na gcuideachtaí.

Seirbhísí Custaiméara

- seoladh suíomh idirlín nua na h-Oifige, ar a tháinig timpeall 150,000 cuairteoir

Ba é €4.38 milliún caiteachas na hOifige i 2007 (ardú de 30% ar an €3.36 milliún sa bhliain roimhe sin). Ba iad na harduithe ar chostais dhlíthiúla agus ar chostais ghairmiúla eile a bhaineann le hiniúchtaí agus le gníomhaireacht forfheidhmithe na hOifige ba chúis leis an gcuid is mó den ardú sin.

Táim buíoch as go bhfuil ceathair bhall foirne breise sainithe don Oifig i 2007 ag an Roinn Fiontair, Trádála agus Fostaíochta, agus tá siadsan anois ag iarraidh barr feabhais ó thaobh géilliúntais, dócmhainneachta agus forfheidhmithe de a chur ar obair na hOifige.

Táim sásta freisin le torthaí an taighde mhargaidh nua (a bhfuil achoimre déanta air sa Tuarascáil) inar tuairiscíodh leibhéil feabhsaithe géilliúntais i leith dhlí na gcuideachtaí le blianta beaga anuas agus inar léiríodh dearcadh níos fabhraí ar éifeachtúlacht na hOifige tríd is tríd.

Is éard is cúis leis na dea-thorthaí sin dúthracht agus obair chrua fhoireann OSFC a bhfuil éacht mór déanta acu ag feabhsú cháilíocht an chomhshaol forbartha fiontair le cúig bliana anuas. Chuidíonn iniúchóirí, leachtaitheoirí agus luchtanna gairmiúla eile freisin leis an gcuspóir sin a bhaint amach. In imeacht ama bíonn daoine ag éirí níos tuisceana ar an obair úsáideach seo agus tá an teachtaireacht ó thaobh géilliúntais agus forfheidhmithe á scaipeadh ar bhonn níos forleithne ar an lucht lena mbaineann.

Is mian liom a admháil an cúnaimh agus an tacaíocht leanúnach atá an tOireachtas, an Rialtas, na Cúirteanna agus na hAíre agus an fhoireann sa Roinn Fiontair, Trádála agus Fostaíochta ag tabhairt d'obair na hOifige. Tá súil agam go leanfaidh sin ar aghaidh agus go n-éireoidh linn caighdeán ghéilliúntais dhlíthiúla le hAchtanna na gCuideachtaí a fheabhsú a thuilleadh ar mhaithe le leas an phobail ina iomláine.

Paul Appleby

Stiúrthóir um Fhorfheidhmiú Corparáideach

31 Márta 2008

Réamhrá

Sainíonn Ráiteas Straitéise láithreach an Stiúrthóra um Fhorfheidhmiú Corparáideach a bhfuil liostáilte anseo thíos mar aidhmeanna príomha an OSFC agus mar fho-aidhmeanna atá gaolta leo:

Aidhm 1: Géilliúntas i leith Achtanna na gCuideachtaí a Spreagadh

- Fo-Aidhm 1.1: Eolas Áisiúil ar Dhlí na gCuideachtaí a Fhoilsiú
- Fo-Aidhm 1.2: Géilliúntas a chur chun cinn
- Fo-Aidhm 1.3: Dlí na gCuideachtaí agus Cleachtais Chorporáideacha a Bhaineann leis a Fheabhsú

Aidhm 2: Cásanna ina bhfuil Amhras faoi Shárú Dhlí na gCuideachtaí a Nochtadh

- Fo-Aidhm 2.1: Socruithe um Nochtadh agus Tuairisciú a fhorbairt le haghaidh Cásanna a bhfuil Amhras faoi Shárú Dhlí na gCuideachtaí
- Fo-Aidhm 2.2: Cásanna a bhfuil Amhras faoi Shárú Achtanna na gCuideachtaí a Aithint
- Fo-Aidhm 2.3: Fiosrúcháin Foirmeálta Chuideachta a Thacú/Choimisiúnú

Aidhm 3: Sáruithe Braite ar Achtanna na gCuideachtaí a Ionchúiseamh

- Fo-Aidhm 3.1: Polasaí Forfheidhmithe Cothrom a Fhorbairt
- Fo-Aidhm 3.2: Seasamh le Ceanglais Nochta Achtanna na gCuideachtaí
- Fo-Aidhm 3.3: Pionós a Ghearradh ar Pháirtithe a Dhéanann Neamhshuim de Leasanna Cuideachta nó de Leasanna nach iad
- Fo-Aidhm 3.4: Caingean Dlí a Thionscnamh i gcoinne Páirtithe a Dhiúltaíonn Freagracht faoin Dlí

Aidhm 4: Pionós a Ghearradh i leith Iompair Mhíchuí i dtaca le Cuideachtaí Dócmhainneacha

- Fo-Aidhm 4.1: Maoirsiú a Dhéanamh ar Leachtaitheoirí agus iad ag Comlónadh a nDualgas go Cuí
- Fo-Aidhm 4.2: Iompar Stiúrthóirí i gCúinsí Leachtaithe Dhócmhainnigh a Mheas
- Fo-Aidhm 4.3: Pionós a Ghearradh i leith Iompair Chalaóisigh nó Mhaslaigh

Aidhm 5: Seirbhís den Scoth a Sholáthar do Chustaiméirí Inmheánacha agus Seachtracha

- Fo-Aidhm 5.1: Acmhainní OSFC a Dhaingniú agus a Bhainistiú
- Fo-Aidhm 5.2: Foireann a Fhorbairt
- Fo-Aidhm 5.3: Seirbhísí Custaiméara den Scoth a chur chun cinn agus Caoi a Choinneáil Orthu

Déanann an Tuarascáil seo athbhreithniú ar an dul chun cinn i 2007 trí thagairt a dhéanamh do gach ceann de na haidhmeanna agus de na fo-aidhmeanna seo.

Aidhm 1: Géilliúntas i leith Achtanna na gCuideachtaí a Spreagadh

Réamhrá

Threoraigh na gníomhartha a léiríodh i Straitéis Chumarsáide dár gcuid a cuireadh críoch léi go luath sa bhliain ghníomhaíochtaí Oifig an Stiúirthóra um Fhorfheidhmíú Corparáideach (OSFC) i 2007 chun géilliúntas a chur chun cinn. Bhí cuid mhaith den obair ghéilliúntais dírithe ar fhiontair bheaga agus mheánmhéide ar minice ná mar is gnách a bhíonn easpa feasachta orthu maidir le dlí na gcuideachtaí. Chuaigh an méadú beag ar líon na foirne i rith na bliana 2007 chun tairbhe an Aonaid Ghéilliúntais agus cheadaigh dó fairsing a ligean ar an obair agus feabhas a chur ar acmhainn na hOifige chun déileáil le ceisteanna ó bhaill an phobail maidir le dlí na gcuideachtaí.

Fo-aidhm 1.1: Eolas Áisiúil ar Dhlí na gCuideachtaí a Fhoilsiú

I rith na bliana d'fhoilsigh an Oifig cúig dhoiciméad idir thuarascálacha, fhógraí agus dhoiciméid eile. Tá siadsan ainmnithe in **Aguisín 1.1.1** a ghabhann leis an Tuarascáil seo.

Fógraí Eolais

B'Fhógraí Eolais a bhí in dhá cheann de na cúig dhoiciméad a d'fhoilsigh an Oifig i 2007.

Sonraíodh sa chéad Fhógra Eolais¹ na cuideachtaí ar fuair an OSFC tuarascáil ina leith faoi Alt 56 den Acht um Fhorfheidhmíú Dlí Cuideachtaí 2001 agus a bhfuil cinneadh scaoileadh iomlán nó scaoileadh “ag an am seo” a dheonú maidir leo eisithe i 2006. Is é cuspóir an Fhógra sin faisnéis a chur ar fáil do chreidiúnaithe agus do pháirtithe leasmhara eile chun gur fearr a bheidh siad in ann an baol a bhaineann le dul i mbun gnó le daoine ar féidir go raibh baint acu le cuideachtaí a loic san ama tá thart a mheas. Foilsítear sonraí maidir le cásanna “gan fhaoiseamh” nó “scaoileadh páirteach” i dTuarascálacha Bliantúla an OSFC i ndiaidh cásanna dá leithéid a bheith cinnte ag an Ard-Chúirt.²

Cíoradh sa dara Fógra Eolais³ na ceanglais dhlíthiúla nua a bheidh ar chuideachtaí maidir le sonraí cuideachta a nochtadh i gcumarsáid leictreonach agus ar shuímh idirlín dá gcuid. Cuspóir tábhachtach den reachtaíocht a tháinig i bhfeidhm an 1 Aibreán 2007⁴ is ea a chinntiú, ar mhaithe le trédhearcacht, go bhfaighidh tomhaltóirí i gcumarsáid ó chuideachtaí sonraí sainithe áirithe a chuirfidh foins na cumarsáide in iúl dóibh. De réir na reachtaíochta beidh réim i ndáil le cumarsáid leictreonach cuideachta ag ceanglais áirithe maidir le nochtadh a bhfuil feidhm acu cheana féin i ndáil le cumarsáid pháipéarbhunaithe. Ar na sonraí cuideachta nach mór a nochtadh anois i gcumarsáid leictreonach áirítear:

- ainm agus foirm dhlíthiúil na cuideachta;
- ionad cláraithe na cuideachta agus an uimhir lena bhfuil sí cláraithe;
- seoladh oifig cláraithe na cuideachta;
- i gcás cuideachta atá saor ón gceanglas an focal ‘teoranta’ a úsáid mar chuid dá hainm, an fhír gur cuideachta teoranta atá inti;
- i gcás cuideachta atá á foirceannadh, an fhír gur cuideachta atá á foirceannadh;
- má dhéantar tagairt sa litir nó san fhoirm ordaithe do scairchaipítíl na cuideachta is don chaipítíl atá suibscríofa agus íochta a dhéantar tagairt.

Le cuideachtaí a chur faoi réir na hathruithe sin thosaigh an Oifig ar fheachtas poiblíochta ó mhí Feabhra 2007 i leith. Fógraíodh na ceanglais nua sa phreas náisiúnta agus cuireadh scríbhinní ón Oifig i roinnt alt sna meáin. Tá torthaí na hoibre a rinne an Oifig ina dhiaidh lena sheiceáil go raibh cuideachtaí ag comhlíonadh na gceanglas sin léirithe sa Chaibidil maidir le hAidhm 2 a thagann i ndiaidh seo ina bpléitear brath cionta i gcoinne dhlí na gcuideachtaí.

1 Fógra Eolais I/2007/1 – Tuarascálacha faoi Alt 56. De réir Alt 56 den Acht um Fhorfheidhmíú Dlí Cuideachtaí tá dé de cheangal ar leachtaitheoir cuideachta dócmhainní tuairisc a chur chuig an OSFC faoi staid na cuideachta agus iarratas a chur chuig an Ard-Chúirt chun srianadh a chur ar na stiúirthóirí uile mura scaoileann an OSFC ón oibleagáid sin é.

2 Tá na téarmaí ‘scaoileadh iomlán’, ‘scaoileadh ag an am seo’, ‘scaoileadh páirteach’ agus ‘gan scaoileadh’ mínithe i bhFógra I/2007/1. Féach freisin an Caibidil maidir le hAidhm 4 a thagann i ndiaidh seo sa Tuarascáil ina ndéileáiltear le cúrsaí dócmhainneachta corparáidí. Tá sna hAguisíní bainteacha 4.2.1, 4.2.2 agus 4.2.3 torthaí imeachtaí Ard-Chúirt 2007 a thionscain leachtaitheoirí i gcoinne stiúirthóirí cuideachtaí dócmhainneacha i ndiaidh chinneadh OSFC gan na leachtaitheoirí ábhartha a scaoileadh on oibleagáid reachtúil a bhí orthu imeachtaí srianta a thionscnamh de bhun Alt 56.

3 Fógra Eolais I/2007/2 – Nochtadh sonraí cuideachta i Ríomhchumarsáid agus ar Shuímh Idirlín.

4 Tá na ceanglais nua i Rialachán 9 de Rialachán na gComhphobal Eorpach (Cuideachtaí), 1973 (IR 163 de 1973) arna leasú ag Rialachán na gComhphobal Eorpach (Cuideachtaí) (Leasú) 2007 (IR 49 de 2007).

Páipéar Comhairliúcháin faoi Chuideachtaí Bainistíochta Úinéirí Árasán

Go deireanach i 2006, d'eisigh an Oifig Páipéar Comhairliúcháin agus Dréacht-Treorach maidir le Rialachas Cuideachtaí Bainistíochta Úinéirí Árasán (CBUAanna).⁵ Rinneadh iarracht sa doiciméad cuimsitheach sin de nach mór 100 leathanach a gcuid dualgas agus oibleagáidí a chur in iúl do stiúrthóirí agus do chomhaltaí (úinéirí árasáin) na gcuideachtaí bainistíochta sin d'fhonn inbhuaine an fhoirm mhaireachtála nua-aimseartha seo a fheabhsú.

Tar éis an Páipéar Comhairliúcháin seo a lainseáil, thosaigh an Oifig ar fheachtas poiblíochta a ritheadh ar feadh an chéad chuid de 2007 agus a raibh sé d'aidhm aige cuireadh a thabhairt dóibh sin a bhí bainteach le cuideachtaí bainistíochta a gcuid tuairimí maidir leis an Dréacht-Treoir a nochtadh roimh an spriocdháta 30 Aibreán 2007. Ina iomláine fuair an Oifig 67 n-aighneacht de thoradh an chuiridh, arbh ó bhaill an phobail a tháinig cuid mhaith acu.

Cuireadh in iúl i bhformhór na n-aighneachtaí go rabhtas ag tacú le thionscnamh an OSFC agus nochtadh tuairimí fabhracha ar chaighdeán na Dréacht-Treorach. Moladh rialta amháin a rinneadh le linn an phróisis chomhairliúcháin ba ea gur ghá go mbeadh doiciméad achoimrithe ar fhorálacha bunáiteacha an Leabhráin ag gabháil leis an Leabhrán Treorach deiridh atá beartaithe. Ina theannta sin nocht go leor freagróirí tuairimí dearfacha maidir leis na leasuithe arna moladh ar an múnla de na hAirteagail Chomhlachais a bhí cuimsithe san fhoilseachán.

Ag deireadh na bliana 2007 bhí dul chun cinn déanta ag an Oifig maidir le forbairt an Leabhráin Rialachais agus an doiciméid achoimrithe a bhaineann leis atá beartaithe aige agus maidir le meastachán a dhéanamh ar na tuairimí forleathana a fuarthas isteach le linn an phróisis chomhairliúcháin.

“Cúrsaí Géilliúntais Chorporáidigh”

D'eisigh an OSFC agus an Oifig um Chlárú Cuideachtaí (OCC) i gcomhpháirt lena chéile eagrán nua den nuachtlitir “Cúrsaí Géilliúntais Chorporáidigh” i Márta 2007. Seoladh an foilseachán sin amach go díreach go dtí seolta baile gach stiúrthóir cuideachta i mbunachar sonraí OCC, .i. chuig 230,000 stiúrthóir cuideachta ina n-iomláine. Is ann a bhí ceithre alt ón OSFC ag tabhairt suntais do:

- réimsí ab fhiú do stiúrthóirí cuideachta aird a dhíriú orthu i bhfianaise obair deireanach na hOifige i dtaca le forfheidhmiú agus le géilliúntas;
- fiúntas agus cuspóir coistí iniúchta;

- an Páipéar Comhairliúcháin agus an Dréacht-Threoir faoi CBUAanna; agus
- na ceanglais nochta nua atá ar ríomphoist agus ar shuímh idirlín cuideachtaí.

Foilseacháin Phleanáilte

Ag deireadh na bliana bhí tús curtha ag an Oifig le hobair ar dhá fhoilseachán nua. Is éard atá i gceist leis an gcéad tionscnamh leabhair a tháirgeadh i bhfoirm achoimrithe bhileoige le haghaidh Stiúrthóirí Cuideachta, Scairshealbhoirí, Creidiúnaithe, etc. Tá an foilseachán nua ceaptha bheith in úsáid ag taispeántais, ag comhdhálacha agus ag imeachtaí eile agus beidh sé ag feidhmiú go comhthreomhar leis na Leabhair Faisnéise atá ann agus a bheidh ar fáil i gcónaí ón Oifig againn. Beidh na bileoga á ndréachtú i dtreanta leis an nGníomhaireacht Náisiúnta um Litearthacht d'Aosaigh ionas go mbeifear in ann marc an Bhéarla Fhollasaigh a bhaint amach agus cuirfear a chomhionann de leagan as Gaeilge ar fáil freisin.

De bhreis air sin tá an Oifig ag ullmhú dréacht-threoir a bheidh dírithe ar stiúrthóirí agus ar infheisteoirí i gcuideachtaí a bhaineann sochar as an Scéim Méadaithe Gnó (SMG). Is ar na príomhcheisteanna i dtaobh dhlí na gcuideachtaí amháin a bheidh an treoir ag díriú, ceisteanna ar chóir go mbeadh daoine aonair bíodh siad ag infheistiú nó ag lorg infheistíochta tríd an SMG agus trí Scéim Síolchaipitil feasach fúthu. Eiseofar an doiciméad seo i dtosach mar Pháipéar Comhairliúcháin i lár na bliana 2008.

Fo-aidhm 1.2: Géilliúntas a chur chun cinn

Obair Aighneachta

Go luath i 2007 thug an Oifig chun críche Straitéis Chumarsáide dhá bhliain a raibh sé d'aidhm aici feasacht maidir le géilliúntas a scaipeadh ar bhonn níos forleithne i measc lucht fiontar gnó agus sóisialta agus a gcuid chomhairleoirí. I rith na bliana bhuaill an Oifig faoi roinnt ghnéithe den Straitéis sin a chur i bhfeidhm. Mar shampla, lainseáil an Oifig suíomh idirlín athmhúnlaithé i 2007. Tá rannóg dar ceannteideal “Dlí na gCuideachtaí agus Tú” ar an suíomh idirlín nua a thugann aghaidh ar spriocghrúpaí sonracha a leithéid stiúrthóirí cuideachtaí, scairshealbhoirí agus leachtaitheoirí, d'fhonn rochtain na ndeighleoga sin margaidh uirthi a fheabhsú. Tá breis eolais ar fáil ar thréithe agus ar fheidhmíocht an tsuíomh idirlín nua sa chaibidil den Tuarascáil a thagann i ndiaidh seo a bhaineann le hAidhm 5 ina ndéileáiltear le forbairtí seirbhísí corparáideacha.

Is í príomhobair na hOifige i gcónaí agus í ag spreagadh dea-rialachas corparáideach seachadadh láithreoireachtaí ar fud na tíre do ghrúpaí stiúrthóirí cuideachta agus do pháirtithe

5 Páipéar Comhairliúcháin C/2006/2 – Dréacht-Treoir OSFC faoi Rialachas Cuideachtaí Bainistíochta Úinéirí Árasáin (Nollaig 2006).

leasmhara fiontair a bhaineann leo. I 2007 rinne foireann na hOifige 45 láithreoiracht do bhreis is 3,100 duine. Tá liosta de na láithreoirachtaí sin in **Aguisín 1.2.1**. Áirítear ar thairbhíthe sonracha stiúrthóirí in earnáil na bhfiontar beaga agus meánmhéide agus mic léinn ghnó. Is é an sainchuspóir atá againn leo sin fiontraíthe agus ábhair fiontraíthe a spreagadh chun a gcuid ghnóthaí a chur chun cinn ar bhonn níos daingne ó thaobh géilliúntais de.

I rith na bliana d'fhreastail an Oifig ar sheacht gcinn de thaispeántais, de chomhdhála agus d'imeachtaí oscailte lae. Tá liosta na n-imeachtaí in **Aguisín 1.2.2**. Bhí foireann ón OSFC ar fáil chun dul i ndáil an lucht freastail, chun ár gcuid foilseachán a dháileadh amach agus chun ceisteanna um dhlí na gcuideachtaí a fhreagairt. Ar an dóigh sin tugadh deis do na mílte duine eolas maidir le saincheisteanna um dhlí na gcuideachtaí a bhailiú agus saincheisteanna i dtaobh géilliúntais a bhaineann leis an réimse a chur ar an bhfoireann. Is de thoradh ar roinnt fiosrúcháin a rinneadh ina dhiaidh sin a cuireadh gearáin fhoirmeálta chuig an Oifig i dtaca le cásanna ina raibh amhras faoi go raibh mainneachtain déanta i leith dhlí na gcuideachtaí.

Glacadh an leathfhocal "Get Informed" i 2007 agus tógadh suas é go raibh sé in úsáid i bhfógraíocht ábhartha uile na hOifige (féach **Léaráid 1.2.1** thíos). Tá an Oifig ag machnamh ar ghníomhaíocht phoiblíochta dá cuid atá bunaithe ar an téama sin a leathnú ag deireadh na bliana.

Léaráid 1.2.1: Sampla d'Fhógraíocht OSFC a úsáideadh i 2007

Ina theannta sin mar chuid de Straitéis Chumarsáide an hOifige, d'ullmhaigh agus chraolcaoil an Oifig den chéad uair sraith fógraíochta ar an raidió náisiúnta a bhí dírithe ar thopaicí is ábhair sainspéise do stiúrthóirí cuideachta agus do

scairshealbhóirí go háirithe. Scaoileadh amach ar an aer i dtosach iad i Nollaig 2007 agus scaoilfear in athuair iad agus iad leathnaithe b'fhéidir i 2008. Ar na topaicí a clúdaíodh bhí:

- a thábhachtaí is atá sé go mbeadh stiúrthóirí eolach faoina ndualgais,
- na teorainneacha dlíthiúla ar úsáid phearsanta a bheith á baint as sócmhainní cuideachtaí ag stiúrthóirí cuideachta,
- an gá go mbeadh cóir á choinneáil mar is cuí ar chuntasaíocht chuideachta agus ar thaifid eile ag cuideachtaí, agus
- ceart scairshealbhóirí ar eolas maidir le feidhmíocht a gcuideachta, lena n-áirítear an ceart páirt a ghlacadh i gcruinnithe ginearálta bliantúla na cuideachta.

Fiosruithe ón bPobal

D'eisigh an Oifig thart ar 23,500 cóip d'fhoilseacháin éagsúla dá cuid i 2007. Dáileadh go leor acu sin ar stiúrthóirí cuideachtaí nua tríd an Oifig um Chlárú Cuideachtaí. Ba mhéadú mór é sin i gcomparáid leis na 15,000 cóip a dáileadh i 2006.

Dhéileáil an Oifig ar bhonn leanúnach le cuimse ceisteanna maidir le dlí na gcuideachtaí ar ar an teileafón agus le ríomhphost chuig info@odce.ie a fuarthas iad den chuid is mó. Rinne an Oifig comhdhlúthú ar sheachadadh na seirbhíse seo do chustaiméirí laistigh d'Aonad Géilliúntais na hOifige i rith na bliana 2007 le cúnaimh ball foirne breise a sannadh don réimse agus chuir córais ar bun chun ceisteanna suntasacha a thomhas agus chun monatóireacht a dhéanamh orthu. Sa ráithe dheireanach den bhliain, tugadh freagra meáite ar thart ar 150 ceist. Tá sampla de na fiosruithe a fuarthas ón bpobal agus ar dhéileáil an Oifig leo i 2007 i **Léaráid 1.2.2** a ghabhann leis seo.

Cé go bhfuil éagsúlacht na saincheisteanna maidir le dlí na gcuideachtaí ar thug an Oifig aghaidh orthu i 2007 léirithe sna fiosrúcháin sin, baineann go leor acu le CBUAanna agus le conspóidí ginearálta idir stiúrthóirí cuideachta. Ar an drochuair ní rabhamar in ann cúnaimh a thabhairt maidir le formhór na gceisteanna CBUA toisc nár bhain an t-ábhar le dlí na gcuideachtaí. I gcásanna iomchuí ba mhínic a moladh dóibh siúd a raibh fiosruithe á ndéanamh acu a gcuid deacrachtaí a chur faoi bhráid stiúrthóirí na cuideachta bainistithe nó an ghníomhaire bhainistithe a bhfuil conradh déanta leis freastal a dhéanamh ar an árasán nó ar an gcoimpléasc.

Cé go mbíonn an Oifig ag iarraidh déileáil le gach ceist maidir le dlí na gcuideachtaí a chuirtear uirthi trí chóipeanna dá cuid fhoilseachán nó trí eolas ginearálta eile ar cheanglais dhlí na gcuideachtaí a chur ar fáil, níl sí in ann comhairle dhlí ná comhairle ghairmiúil eile a bhaineann le deacracht an duine aonair a dháileadh agus ní dhéanann sí sin. I gcúinsí ina mbíonn comhfhreagrú ag iarraidh comhairle dá leithéid, molann an Oifig dóibh i gcónaí dul i gcomhairle le haturnae atá eolach faoi dhlí na gcuideachtaí nó le duine gairmiúil ábhartha eile.

Léaráid 1.2.2: Sampla de na Fiosruithe ón bPobal ar dhéileáil an Oifig leo i 2007

Bhí ball an phobail ag iarraidh a fháil amach an raibh sé ceadaithe do stiúrthóir cuideachta a chuir in iúl don chuideachta go raibh sé ag éirí as oifig a f(h)ógra scoir a chlárú go díreach leis an OCC, nuair a mhainnigh an chuideachta a f(h)ógra scoir a ghlacadh agus é a chur in iúl don Oifig um Chlárú Cuideachtaí.	Cuireadh an duine i dtreo Alt 195 (11A) agus (11B) de Acht na gCuideachtaí 1963 (arna leasú ag Alt 47 de Acht na gCuideachtaí (Leasú) (Uimh. 2) 1999) ina léirítear an próiseas ar gá cloí leis nuair is mian le duine a f(h)ógra scoir mar stiúrthóir a chur in iúl don Oifig um Chlárú Cuideachtaí.
Mhaigh duine aonair go raibh sí feasach faoi nach raibh líon áirithe de na cuideachtaí pobail/deonacha ag comhlíonadh cheanglais éagsúla dhlí na gcuideachtaí. D'fhiafraigh sí go sonrach arb amhlaidh gur cionta faoi Achtanna na gCuideachtaí a bhí ann i gcás mainneachtana cruinniú ginearálta bliantúil a thionól, i gcás mainneachtana miontuairiscí faoi chruinnithe a thaifeadadh agus i gcás mainneachtana clár cruinn agus iomlán comhaltaí a choinneáil.	Tugadh le fios don duine gur cion faoi achtanna na gcuideachtaí a bhí i ngach ceann de na mainneachtanaí a luadh. Shocraigh an Oifig go n-eiseofaí dhá chóip de na seacht gcinn de Leabhar ginearálta Eolais dá cuid faoi dhualgais stiúrthóirí cuideachtaí etc. don té a rinne an fiosrú.
D'fhiafraigh duine arb amhlaidh gurbh fhéidir le duine srianta bheith ina stiúrthóir ar chuideachta bhainistíochta a rinneadh mar chuideachta faoi theorainn ráthaíochta.	Tugadh le fios don duine go raibh cosc ar dhuine srianta gníomhú mar stiúrthóir ar chuideachta faoi theorainn ráthaíochta. Ní féidir an fhoirm sin chuideachta a chaipitliú chun teacht leis na ceanglais reachtúla agus dá chionn sin a cheadú do dhuine srianta feidhmiú mar stiúrthóir uirthi.

Preasráitis, Faisnéisithe, agus Ceisteanna

D'eisigh an Oifig deich ráiteas preasa i 2007. Tá liosta iomlán de na ráitis phreasa ar fáil in **Aguisín 1.2.3**. Bhain na ráitis sin mar shampla le lainseáil Tuarascáil Bhliantúil na hOifige don bhliain 2006, agus tugadh chun suntais iontu freisin roinnt tograí géilliúntais. Ina theannta sin nuair ba ghá agus nuair ba chúil rinne an Stiúrthóir trácht ar thorthaí suntasacha gníomhaíochtaí forfheidhmithe agus ar chinntí Cúirte.

Déileáladh le níos mó ná 100 ceist phreasa i 2007 agus rinneadh iomrá ar obair na hOifige i réimse leathan de na meáin chlóite ar níos mó ná 300 ócáid. De bhreis air sin rinne foireann na hOifige roinnt agallamh leis na meáin i rith na bliana. Ina theannta sin scríobh an Oifig ailt i bhfoilseacháin ar shaincheisteanna cosúil leis na ceanglais nochta nua maidir le cumarsáid leictreonach chuideachta, le CBUAanna agus le hobair na hOifige i leith géilliúntais.

I rith na bliana rinne an Oifig infheistíocht i bpáirturraíocht san iris "Irish Director", foilseachán ráithiúil Institiúid na Stiúrthóirí in Éirinn, d'fhonn feasacht ar dhlí na gcuideachtaí a chothabháil i measc bhaill an eagrais sin. Mar chuid den urraíocht sin, bíonn ar a laghad alt amháin faoi obair na hOifige i ngach eagrán den iris sin.

Taighde Margadh

I dtreo dheireadh na bliana, choimisiúnaigh an Oifig breis taighde mhargaidh d'fhonn forléargas a fháil ar an gcomhshaoil géilliúntais i leith dhlí na gcuideachtaí agus ar fheidhmiú na hOifige maidir lena cuid feidhmeanna a chomhlíonadh.


Tar éis próiseas tairisceana iomaíoch a chur i gcrích d'fhostaigh an Oifig Millward Brown IMS chun an taighde a dhéanamh.

B'ionann a bheag nó a mhór an cur chuige a rinneadh i 2007 agus an cleachtadh deireanach a rinneadh i 2005. Chuathas i dteagmháil le 299 stiúrthóir cuideachta, le 100 cuntasóir agus le 41 leachtaitheoir (440 freagróir ina n-iomláine) i rith na míonna Samhain/Nollaig 2007 agus cuireadh sraith cheisteanna orthu maidir lena dtuiscint ar dhlí na gcuideachtaí agus ar an Oifig, maidir lena dtuairimí ar ghéilliúntas le dlí na gcuideachtaí go ginearálta, agus má bhain sé le hábhar maidir leis an taithí a bhí faighte acu ó bheith ag déileáil leis an Oifig. Rinneadh agallamh le roinnt páirtithe leasmhara tábhachtacha sna hearnálacha gnó agus gairmiúla agus sna meáin ar bhun duine ar dhuine chun aiseolas níos mine maidir le géilliúntas le dlí na gcuideachtaí agus maidir le obair na hOifige a fháil. Sa deireadh thiar iarradh a gcuid tuairimí maidir leis an gcaighdeán géilliúntais chorparáidigh le dlí na gcuideachtaí agus maidir le ceanglais eile dlí ar ghrúpa samplach de 1,000 ball den phobal i gcoitinne i gcaitheamh mí Dheireadh Fómhair 2007.

I ndeardhadh na hOifige b'fhíordhearbhach torthaí an taighde seo. Mar is léir ó **Léaráid 1.2.3** a leanas tá feasacht ar an Oifig agus ar a cuid feidhmeanna ag méadú i gcónaí i measc stiúrthóirí cuideachta agus ag an bpointe seo táthar 73% atá feasach fúithi, agus tá ardú go 84% ar an líon sin i gcás stiúrthóirí cuideachtaí móra.

Léaráid 1.2.3: Taighde Margaidh OSFC 2007

Eolach ar OSFC




C. Cé mhéid eolas atá agat faoi Oifig an Stiúrthóra um Fhorfheidhmíú Corparáideach, nó OSFC, agus a fheidhmeanna?

Nuair a taispeánadh dóibh, mar chuid den taighde, feidhmeanna is féidir a bheith ag an OSFC agus nuair a fiafraíodh díobh cé acu díobh sin ba ról príomha na hOifige, shainigh 60% de na 299 stiúrthóir cuideachta an obair a dhéanann sí chun géilliúntas le ceanglais dhlí na gcuideachtaí a spreagadh. I gcomparáid leis sin, níor shainigh ach 12% díobh pionós a ghearradh ar stiúrthóirí cuideachta de bharr neamhghéilliúntais mar phríomhról na hOifige. Is cúis mhisnigh don Stiúrthóir an toradh sin toisc gur bh é an cuspóir a bhí aige le blianta beaga anuas gné an ghéilliúntais de shainchúram na hOifige a chur chun cinn.

Mar atá léirithe i Léaráid 1.2.4 a leanas, iarradh ar na 440 freagróirí a dtuairimí a nochtadh faoin athrú sa cháilíocht ar chomhshaol an ghéilliúntais i leith dhlí na gcuideachtaí le cúig bliana anuas. Bhí 85% de na stiúrthóirí den tuairim go raibh feabhas tagtha ar ghéilliúntas le cúig bliana anuas, ardú de 11% ar an toradh a fuarthas tar éis a chomhionann deireanach de thaighde a rinneadh i 2005. Agus chuir na cuntasóirí agus na leachtaitheoirí uile 141 díobh ina n-iomláine in iúl gur chreid siad go raibh an ghéilliúntas feabhsaithe!

Léaráid 1.2.4: Taighde Margaidh OSFC 2007

Athrú Leibhéal Comhlíonadh



Q. I do thuairim, an bhfuil leibhéal comhlíonadh le Dlí Cuideachta in Éirinn i rith an 5 bliain anuas méadaithe, laghdaithe, nó ina stad?

Sa vótaíocht a rinne le 1,000 ball den phobail, vótáil 52% gur maith a bhí a gcuid oibleagáidí faoi dhlí na gcuideachtaí comhlíonta ag cuideachtaí. Ardú beag freisin a bhí ansin i gcomórtas leis an toradh de 50% a fuarthas sa taighde a rinneadh roimhe sin i 2005.

Fo-aidhm 1.3: Dlí Cuideachta agus Cleachtais a Bhaineann leis a Fheabhsú

Aighneachtaí agus Scríbhinní i leith Polasaí – Ginearálta

I 2007 rinne an Oifig roinnt aighneachtaí polasaí maidir le dlí na gcuideachtaí agus le saincheisteanna gaolmhara. Orthu sin bhí scríbhinní chuig:

- an Roinn Fiontar Trádála agus Fostaíochta (RFTF) i gcomhthéacs a Ráitis Straitéise nua;
- an nGrúpa Athbhreithnithe Dlí Cuideachta (GADC) mar chuid dá Chlár Oibre don bhliain 2007;
- an gCoimisiun um Athchóiriú an Dlí (CAD) mar fhreagra ar a Pháipéar Comhairliúcháin faoi Fhorbairtí Ilaonaid agus Ionpháirteacht i gConradh Cearta Tríú Páirtí;
- Chomhairle Cathrach Bhaile Átha Cliath maidir le Dréacht-threoirilínte d'Árasáin Nua Inbhuanaithe;
- Pháipéir Chomhairliúcháin Choimisiún na hEorpa maidir le Simpliú Dhlí na gCuideachtaí agus le Dliteanas Iniúcháin;
- Financial Reporting Council (FRC) sa Ríocht Aontaithe mar fhreagra ar a Pháipéar ag cur Caighdeán Iniúchta chun cinn;
- an International Association of Insolvency Regulators maidir le cláir leanúnacha agus cláir thodhchaíoch dá chuid a bhaineann le tograí taighde i réimse na dócmhainneachta.

Ráiteas Straitéise RFTF

D'fhorbair an Roinn Fiontar Trádála agus Fostaíochta ráiteas straitéise nua i rith na bliana 2007 agus d'fhreagair an Oifig do chuireadh a tuairim a thabhairt ar ábhar an Dréachtráitis. Ina cuid tuairimí molann an Oifig go láidir faoi chuimse an Ráiteas Straitéise aitheantas a thabhairt d'fhiúntas rialacháin chun margaidh a oibríonn go breá agus go hordúil a chur chun cinn. Luaigh an OSFC gur thacaigh sí le freacnairciú agus le comhtháthú dhlí na gcuideachtaí ach gur mhian léi gur ar rialachán níos fearr a mbeifí dírithe, rud nach gá gurb ionann é agus níos lú rialacháin. I réimse dhlí na gcuideachtaí mar shampla b'éifeachtúla caighdeáin feabhsaithe rialacháin i dtaca le géilliúntas dlíthiúil a fheabhsú, rud a chuaigh chun sochair an mhargaidh tríd is tríd. Baineadh amach torthaí dearfacha cosúil leis sin i réimsí rialacháin eile. Ghlac RFTF leis na tuairimí sin le linn di an Ráiteas Straitéise a thabhairt chun críche.

Grúpa Athbhreithnithe Dlí Cuideachta

Mar chomhalta de GADC ghlac an Stiúrthóir, le taca ó chúigear dá chomhghleacaithe san OSFC, páirt ina gclár oibre tréanfheidhmiúil i 2007. Rinne an Stiúrthóir le cúnaimh ó thriúr dá chomhghleacaithe cathaoirleacht ar an gCoiste um Shaincheisteanna Coiriúlachta agus Forfheidhmíthe a fhad is a bhí tri bhall foirne ag déanamh ionadaíochta ar son na hOifige ar thrí Choiste eile a dhéileáil faoi seach le cúrsaí dar ceanteidil Clárú agus Ionchorprú, Iniúcháin agus Ráitis Airgeadais agus Freacnairciú le haghaidh Iomaíochta.

Cé gur ábhar suime don OSFC níos mó ná leath den 25 rudaí ar chlár oibre GADC, ba mholtaí an OSFC i leith athrú reachtaíochta a bhí i gceithre cinn acu. Moladh iadsan don Roinn i dtosach i 2006 mar rudaí ab fhéidir a chur sa Bhille a achtaíodh mar an tAcht um Chistí Infheistíochta, Cuideachtaí agus Forálacha Ilghnéitheacha 2006. Pléadh ceithre mholadh an OSFC:

- creat gealltanais toilithe a thabhairt isteach le haghaidh imeachtaí srianta agus dícháilithe neamhchonspóidithe⁶;
- comhtháthú, faoi chuimse sraith amháin imeachtaí, den iliomad ionchúiseamh cuideachtaí, stiúrthóirí agus/nó daoine eile nuair atá siad bunaithe ar an tsraith chéanna firici⁷;
- toimhde infhrisnéise a chur i bhforáil an chiona a bhaineann le hidirbhearta iomarcacha stiúrthóirí (Alt 40 de Acht na gCuideachtaí 1990), d'fhonn an dualgas cruthúnais ró-ard a bhaineann léi a mhaolú;
- fíorú theidlíocht cuideachta áis a bhaint as díolúine ó iniúchadh dá bhforáiltear in Alt 32 de Acht na gCuideachtaí Acht na gCuideachtaí (Leasú) (Uimh. 2) 1999.

Ar an drochuair ní dhearna GADC moltaí dearfacha ach i gcás an chéad dá cheann de na moltaí thuasluaite nuair a cuireadh deireadh lena chuid oibre don bhliain 2007. Tá Tuarascáil GADC na bliana 2007 ar fáil ar a shuíomh idirlín ag www.clrg.org.

Thug an Coiste um Shaincheisteanna Coiriúlachta agus Forfheidhmíthe aghaidh ar inmhianaitheacht foráil maidir le meon macánta (“whistle-blowing” mar is fearr aithne air) a bheith i ndlí cuideachta na hÉireann. Tháinig an moladh sin ó Comhdhail na gCeardchumann i ndiaidh chinneadh foirmeálta an Rialtais i 2006 go ndéanfadh Airí iniúchadh

6 Ba leasú togra an OSFC ar fhoráil nua a cuireadh ag Ceannteideal 51 de Chuid A13 den Bhille Comhdhlúthú agus Athchóiriú Cuideachtaí a bhfuil cóip de ar fáil ag www.clrg.org.

7 Ba leasú ar Alt 240A d'Acht na gCuideachtaí 1990 (arna chur isteach ag Alt 105 den Acht um Fhorfheidhmíú Dlí Cuideachtaí 2001) agus de Cheann 53 de Chuid A13 den Bhille Comhdhlúthú agus Athchóiriú Cuideachtaí arna fhoilsiú a bhfuil cóip de ar fáil ag www.clrg.org.

ar bhonn earnála féachaint ar chóir foráil dá leithéid a bheith i reachtaíocht Rialtais a bhí le foilsíú. In ainneoin obair náisiúnta agus idirnáisiúnta shubstainteach an Choiste agus Plépháipéar mionsonraithe OSFC ar an ábhar a cuireadh i dtoll a chéile ina dhiaidh sin, chinn an GADC i dTuarascáil dá chuid don bhliain 2007 gan a mholadh go gcuirfí foráil maidir le meon macánta i ndlí cuideachta na hÉireann.

In ainneoin sin, chinn GADC gur doiciméad substaintiúil agus fiúntach a bhí i bPlépháipéar OSFC arbh fhiú a fhoilsíú ar a shuíomh idirlín féin toisc gur ábhar suime a bheadh ann do Ranna eile Rialtais le linn dóibh breithniú a dhéanamh faoi fhorálacha tuairisce den chineál meon macánta a thabhairt isteach i reachtaíocht arna pleanáil faoina choimirce. Tá cóip de Phlépháipéar OSFC ina moltar foráil teoranta maidir le meon macánta a chur i ndlí cuideachta na hÉireann foilsithe mar dhoiciméad comhghabhálach a ghabhann leis an Tuarascáil Bhliantúil seo ar shuíomh idirlín OSFC ag www.odce.ie.

Páipéir Chomhairliúcháin an Choimisiúin um Athchóiriú an Dlí

I Samhain 2006 d'eisigh CAD Páipéar Chomhairliúcháin faoi Ionpháirteacht i gConradh: Cearta Tríú Páirtí⁸. I 2007 chuir OSFC aighneacht chuig CAD inar dúradh gur chúis bhuartha di nár mhóide gurbh fhéidir cearta tríú páirtí uilechoitinn a thabhairt leis an gceat dlíthiúil a bhí ann faoi láthair le haghaidh dócmhainneachtaí corparáideacha agus eile. Dá mbeadh airgead amuigh ar chonraitheoir ag cuideachta faoi leachtú, mar shampla, agus dá dtabharfaí ceart forfheidhmithe tríú páirtí d'fhochonraitheoirí a raibh luach a shaothair gan bheith íoctha d'fhéadfadh sé go mbeadh ar an leachtaitheoir aghaidh a thabhairt ar an iliomad imeachtaí dá bharr i gcúinsí inarbh inmhianaithe ar chúiseanna eacnamúla agus polasaí poiblí an costas a bhaineann le himeachtaí dá leithéid a sheachaint. Dá réir sin mhol OSFC inter alia go ndéanadh CAD machnamh maidir le dócmhainneachtaí agus nósanna imeachta tarrthála a leithéidí imscrúdaitheoirí a dhíolmhú ó mholtaí ginearálta a dhéanadh sé sa réimse. Tá an cheist fós á breithniú ag CAD.

I Nollaig 2006, d'eisigh CAD Páipéar Chomhairliúcháin faoi Fhorbairtí Ilaonaid⁹. Mar fhreagra ar an bpáipéar, rinne OSFC tráchtanna éagsúla agus thug moltaí maidir le struchtúir dhlíthiúla agus oibríochtúla reatha na CBUAanna agus maidir le forbairtí dá leithéid. Orthu sin áirítear iadsan a leanas:

- ní raibh an cás ar son rialtóir lántiomnaithe sa réimse áititheach a dhóthain dar le OSFC ach dá gcruthófaí a leithéid ba chóir go n-oibreodh sé ar ardleibhéal amháin;
- bhí athbhreithniú cuimsitheach ar na comhaontuithe dlíthiúla agus ar na forálacha caighdeánacha reatha de dhíth toisc nár léirigh siad in go leor cásanna oibríúcháin iarbhrí na CBUAanna i ndiaidh dhíolachán na n-árasán;
- bhí forálacha tarrthála ag teastáil go géar chun déileáil le díscáileadh na CBUAanna agus le fadhbanna tromchúiseacha eile a bhí ag eascairt as obair neamhdhóthanach chothabhála ar fhorbairtí árasán;
- ba chóir go bhfaigheadh cónaitheoirí agus cónaitheoirí ionchasacha níos mó faisnéise airgeadais agus eile maidir le rialachas agus le feidhmíocht CBUA le go mbeadh sé níos éasca orthu cinneadh a dhéanamh;
- ba chóir go bhfaigheadh gach CBUA maoiniú ó thús trí leithroinnt de 10% de phraghas ceannaithe gach árasáin a thabhairt don chuideachta. Íocfaí sin ar deireadh thiar don fhorbreoir nuair a dhílseofaí limistéir choitianta na forbraíochta árasáin don CBUA agus mar chomaoin dó sin. Cheadódh sin don CBUA freisin aon chostais dhlíthiúla nó eile a bheadh air roimh aistriú an limistéir choitianta a mhaoiniú agus ghníomhódh sé mar dhreasacht d'fhorbróirí an t-aistriú a bhrostití.

I ndiaidh fhoilseachán an Pháipéir Chomhairliúcháin bhunaigh an Rialtais Coiste Idir-Ranna Ardleibhéal, ina raibh ionadaithe ó na Ranna agus ó na hOifigí ábhartha chun cuidiú le freagairt chomhtháite agus chuimsitheach reachtúla ar na ceisteanna a bhí sainithe a chur chun cinn. Tugadh cuireadh don OSFC freastal ar an gcoiste atá faoi chathaoirleacht na Roinne Dlí agus Cirt, Comhionannais agus Athchóirithe Dlí agus ghlac ionadaí OSFC páirt i bplé an Choiste i 2007.

Treoirínte Chomhairle Cathrach Bhaile Átha Cliath maidir le hÁrasáin Nua Inbhuanaithe

Chuir OSFC aighneacht ghearr chuig Chomhairle Cathrach Bhaile Átha Cliath maidir lena Dréacht-treoirínte d'Árasáin Nua Inbhuanaithe. Is i dtaobh struchtúr na CBUAanna amháin a rinneamar trácht agus mholamar go ndéanadh na húdaráis phleanála machnamh ar mhaithe le hinbhuanaithe ar na struchtúir rialachais le haghaidh forbairtí árasáin a bhí molta nuair a rabhthas ag iarraidh cead phleanála.

8 Tá cóip de Pháipéar Chomhairliúcháin 40-2006 de chuid CAD ar fáil ag www.lawreform.ie.

9 Tá cóip de Pháipéar Chomhairliúcháin 42-2006 de chuid CAD ar fáil ag www.lawreform.ie.

Páipéir Chomhairliúcháin Choimisiún na hEorpa

Scríobh OSFC freagra tríd an GADC ar Pháipéir Chomhairliúcháin Choimisiún na hEorpa maidir le simpliú Dhlí na gCuideachtaí. Rinne an Oifig trácht sa scríbhinn ar an tionchar ollmhór a bheadh in Éirinn ag na moltaí oibleagáidí tuairiscithe ar ghnóthaí beaga a laghdú nó a chur ar neamhní siocair an líon mór cuideachtaí a rangáítear san earnáil sin. Dúirt an Oifig gur acmhainn thábhachtach do ghnóthaí agus do thomhaltóirí atá san fhaisnéis a chláraíonn cuideachtaí leis an OCC chun an baol a bhaineann le dul i mbun idirbheartaíochta le cuideachtaí a mheas. Ní chuideodh aon laghdú ar mhéid nó ar chaighdeán na faisnéise sin le cinnti feasacha a dhéanamh i margadh iomarcaíochta. I gcásanna áirithe mar atá an rogha a bhíonn ag gnóthaí beaga áirithe leagan giorraithe dá gcuntas a chlárú, tá úsáid an rogha ag tarraingt costas breise gnó cheana féin.

D'eisigh Coimisiún na hEorpa páipéar faoi dhliteanas iniúchóirí agus faoin tionchar atá aige ar Mhargaidh Chaipitil na hEorpa freisin. Chuir an Oifig in iúl go raibh sí ag tabhairt tacaíocht don choincheap dliteanas iniúcháir a theorannú ach rinne trácht ar na deacrachtaí a bhainfidh leis sin a chur i ngníomh go praiticiúil. Thug sí tacaíocht chosanta do choincheap an dliteanas theoranta idirbheartaithe le forbheathnú áirithe cúirte ach chomhairligh gurbh fhéidir leis an gcur chuige sin dúshlán bunreachtúla a tharraingt.

Páipéar an Financial Reporting Council faoi Chaighdeán Iniúchta a chur chun cinn

Mar fhreagra ar Pháipéar an FRC maidir le Caighdeán Iniúchta a chur chun cinn chuir OSFC in iúl, in ainneoin fheidhmíocht shásúil na gairme den mhórchuid mhór, go raibh sí buartha faoi chaighdeán roinnt tuarascálacha iniúchta agus faoin eolas neamhdhóthanach a bhí ag méid beag iniúchóirí ar na forálacha i ndlí na gcuideachtaí a bhain leo. De réir a taithí bhain sin go háirithe le cleachtais bheaga rud a thug le tuiscint go raibh an t-oideachas leanúnach gairmiúil easnamhach agus nár mhór aghaidh a thabhairt air sin.

Maidir le coistí iniúchta tharraing an Oifig aird ar reachtaíocht deireanach na hÉireann agus thug a tuairim go bhféadfadh sin cabhrú le forbairt FRC amach anseo.

International Association of Insolvency Regulators (IAIR)

Mar rud a bhain le ballraíocht leanúnach OSFC in IAIR, chuidigh an Oifig le dhá thogra taighde i 2007 a bhain le cearta fostaithe i ndócmhainneachtaí corparáideacha agus leis na táillí agus na costais a bhí na rialaitheoirí dócmhainneachta ag gearradh. Is iad na comhaltaí ón gconaidhm Rúiseach agus Ceanadach faoi seach a bhí i gceannas na dtograí sin. Tá na páipéir taighde uile a fhoilsíonn an IAIR ar fáil ar a shuíomh idirlín ag www.insolvencyreg.org.

Ghlac an Stiúrthóir páirt i gComhdháil Bhliantúil an IAIR i mBangkok i mí Meán Fómhair 2007. D'aontaigh an Chomhdháil roimh Chomhdháil 2008 tabhairt faoi dhá thogra OSFC le haghaidh tograí taighde a dhéilealfadh le:

- comhroinnt faisnéise i measc chomhaltaí IAIR a fheabhsú i dtaca leis an rialú a bhí siad ag déanamh ar chúrsaí dócmhainneachta pearsanta agus corparáideacha, agus
- aitheantas frithpháirteach do phionóis a gearradh i ndlínsí comhaltaí IAIR.

Tabharfar faoin gcéad cheann de na tograí taighde sin i gcomhar le hOifig an Superintendent of Bankruptcy i gCeanada a bhfuil suim faoi leith aici i mbunú polasaithe dlínsí comhaltaí IAIR maidir le nochtadh sonraí dócmhainneachta mar chuid dá sainchúraimí maoirseoireachta.

Athbheithniú Piaráí an ECFE ar Chomhdháil um Breabaireacht

I dTuarascáil an OSFC do 2006 rinne tagairt don Chomhdháil um Chomhrac Breabaireachta na n-Oifigeach Poiblí Eachtrannacha in Idirbhearta Gnó Idirnáisiúnta (1997). Mar pháirtí den Chomhdháil sin, déanann an Eagraíocht um Chomhar agus Fhorbairt Eacnamaíochta (ECFE)¹⁰ monatóireacht go tráthrialta ar ghéilliúntas na hÉireann i leith a téarmaí. I Márta 2007, foilsíodh an tuarascáil meastacháin ECFE is deireanaí faoi chur i bhfeidhm na Comhdhála ag Éirinn tar éis breithniú a dhéanamh ar an ábhar a bhí ann ag cruinniú iomlánach Ghrúpa Oibre an ECFE um Chomhrac Breabaireachta in Idirbhearta Gnó Idirnáisiúnta a raibh ionadaithe ó OSFC ag freastail air. I dtaca le cur i bhfeidhm a cuid oibleagáidí faoin gComhdháil ag Éire, bhunaigh an Rialtas Coiste Géilliúntais Oifigeach Sinsearach a 2007 agus tá ball foirne ón OSFC ag freastail ar an gCoiste sin.

¹⁰ Tá eolas faoin gComhdháil ar fáil ó www.oecd.org.

Tá tuarascáil an Ghrúpa Oibre ar fáil ar shuíomh idirlín OSFC.¹¹ Cé nach bhfuil baint díreach le forfeidhmíú dhlí na gcuideachtaí ag an gcion coiriúil is breabaireacht ann, bhí OSFC sásta gur cuireadh fáilte i dtuarascáil ECFE le bunú na hOifige agus lena gníomhaíocht chun dlí na gcuideachtaí a fhorfeidhmíú go héifeachtúil i gcoinne cionta cuntasaíochta. Admhaíodh freisin sa Tuarascáil go neartaíonn leasuithe a rinneadh le deireanas i réimse dhlí na gcuideachtaí caighdeáin iniúchta agus chuntasaíochta agus gur ceart go gceadódh siad forfeidhmíú níos éifeachtúla maidir le cionta cuntasaíochta coimhdeach le breabaireacht eachtrannach.

Cás CBE faoi Aistriú Oifig Chláraithe Chuideachta

Rinneadh tagairt i dTuarascáil Bhliantúil OSFC 2006 do chion na hOifige san ullmhúchán a rinne Oifigí an Ard-Aighne agus an Ard-Atúrnae Stáit do Bhreathnuithe Scríofa na hÉireann chuig an gCúirt Bhreithiúnais Eorpach (CBE) i gCás C-210/06 Cartesio Oktató és Szolgáltató Betéti Társaság. D'éist CBE an cás i mí Iúil 2007 agus bhíothas fós ag fanacht le tuairim Abhcóide Ginearálta na Cúirte (an céim roimh sheachadadh deiridh na Cúirte í) ag deireadh na bliana.

Cuairt Mhinistreach Ceartais an Eastóin

Ar iarratas ón Justiits Ministerium san Eastóin atá freagrach as rialú dócmhainneachtaí corparáideacha agus pearsanta, bhí OSFC ina óstach do chruinniú i mBaile Átha Cliath i mBealtaine i 2007 ina ndearnadh faisnéisiú do thoscaireacht Eastónach faoi OSFC agus faoi reachtaíocht agus rialachán na hÉireann i leith cúrsaí dócmhainneachta.

NSAI – ISO 26000 agus Freagracht Shóisialta

Rinne Eagraíocht Idirnáisiúnta na gCaighdeán (ISO) a cuid oibre ar bhonn leanúnach chun caighdeán domhanda i réimse na Freagrachta Sóisialta Corparádaí i 2007 a chur chun cinn. Chuaigh an togra mór casta sin ar aghaidh níos moille ná mar a bhí súil leis i dtosach. Mar bhall de Coiste Scatháin na hÉireann ar cúram di obair ISO a athbhreithniú ar son an Stáit bhí súil á coinneáil ar an dul chun cinn ag OSFC. Casadh an Coiste Scatháin, faoi bhainistíocht an Údaráis um Chaighdeáin Náisiúnta na hÉireann ar a chéile uair amháin i 2007.

Údarás Maoirseachta Iniúchta agus Cuntasaíochta na hÉireann (UMICE)

Tá an Stiúrthóir ina chomhalta ar Bhord UMICE agus freastalaíonn sé freisin ar Choiste Luacha Saothair an Bhoird. Chuidigh an Stiúrthóir le hobair an Údaráis i rith na bliana san dá cháiil. Beidh cóip de Thuarascáil UMICE na bhliana 2007 ar fáil ó lár na bliana 2008 ar aghaidh ar a shuíomh idirlín ag www.iaasa.ie.

Conclúid

Cuireann torthaí an taighde mhargaidh deireanach in iúl go soiléir go bhfuil rath ar iarrachtaí OSFC feabhas leanúnach margaidh a bhaint amach i dtaca leis an gcaighdeán géilliúntais i leith fhorálacha Achtanna na gCuideachtaí. Leanfaidh an Oifig le cur i bhfeidhm na Straitéise Cumarsáide reatha le súil go sroichfidh sí go háirithe an lear mór daoine atá gafa le fiontraíochtaí gnó agus sóisialta agus ar gá go mbeadh siad eolach faoi bhuncheanglais dhlí na gcuideachtaí ionas go mbeidh siad in ann gnóthaí inbhuanaithe a thógáil.

¹¹ Féach www.oecd.org/dataoecd/27/45/38322693.pdf.